

REVELESŌN

JEPTA 1

- [Re 1.1] Revelesŏn jān Jijej Kūrai, eo Anij e ar leļok ñan E bwe En kwaļok e ñan ro karijeran, aet men ko re naaj mŏkajtok, im e ar jilkinļok im bakajjien e kŏn enjel eo An ñan Jon karijeran;
- [2] Eo e ar kŏnnaan kŏn naan in Anij im kŏn kŏnnaan an Jijej Kūrai, men ko otemjej e ar loi.
- [3] E mŏñŏñŏ eo ej kŏnono ilo bok in im ro rej roñjake naan ko an kūr in, im kŏjparok men ko emŏj jeji ilo e; bwe epaaktok iien eo.
- [4] Jon ñan jiljilimjuon eklejia ko ilo Esia: Jouj ñan kom im aenŏmman jān Eo ej kiiŏ, Ej mŏkta im Ej itok; im jān jiljilimjuon Jetŏb ro rej imaan tūroon eo An;
- [5] Im jān Jijej Kūrai eo Ri Kŏnnaan e tiljek, Ri ļotak mŏkta jān ro re mej, im Irooj ion kiñ ro an laļ. Ñan Eo e ar yokwe kŏj, im kŏtļok kŏj jān jerŏwiwi ko ad kŏn bŏtŏktŏkin;
- [6] Im E ar kŏmman bwe jen kiñ im pris ro ñan An Anij im Jemen; ñan E en aiboojoj im kajoor potata indeeo im indeeo. Amen.
- [7] Lo, Ej itok ippān kŏdŏ ko, im mej otemjej re naaj lo E, im ro jabdewŏt raar wākare E, im bwij otemjej i laļ re naaj liaajļŏ kake. Aet, en āindein. Amen.
- [8] Ña, ij Alpa im Omega, Anij Irooj e ba, Eo ej kiiŏ im Ej mŏkta im Ej itok, Ri Ekajoor otem kajoor.
- [9] Ña Jon, jeŏmi im ri bŏk mŏttan ippemi ilo eñtaan im aelŏñ im kijenmej rej ilo Jijej, I ar pād i aelŏñ eo etan Patmos, kŏn naan in Anij im kŏnnaan an Jijej.
- [10] I ar ilo Jetŏb ilo raan eo raan in Irooj, im I ar roñ ālikū ainikien eļap, āinwŏt an jilel,
- [11] Im e ba, Kwŏn jeje ilo bŏk jabdewŏt eo kwŏj loe, im jilkinļok ñan jiljilimjuon eklejia ko; ñan Epesŏs, im ñan Smŏrna, im ñan Pergemom, im ñan Thaitaira, im ñan Sardis, im ñan Philadelphia, im ñan Leodisia.
- [12] Im I ar oktaklik bwe in lo ainikien eo ej kŏnono ippa. Im ke emŏj aŏ oktaklik I ar lo jiljilimjuon jikin ļaam kooļ:
- [13] Im eŏļapin jikin ļaam ko, Juon āinwŏt Nejin armej, emŏj An kŏņak nuknuk ko rej tŏpar neen, im kañūr ion ittin kŏn kañūr kooļ.
- [14] Im bŏran kab kooļan bŏran re mouj āinwŏt kooļan jiiip emouj āinwŏt jiņo, im mejan rej āinwŏt urur in kijeek;
- [15] Im neen āinwŏt jinibŏŏr e jatŏltŏl, āinwŏt ñe emŏj tile ilo upaaj, im ainikien āinwŏt ainikien elŏñ dān ko.
- [16] Im ilo pein anbwijmaroņan Ej kabwijere jiljilimjuon iju, im jān loņin jāje ekkañ im ruo mejan ej ilok, im turin mejan āinwŏt aļ ke ej romaak ilo an kajoor.
- [17] Im ke I ar lo E, I ar buñ iturin neen āinwŏt I mej. Im E ar likūt pein anbwijmaroņan ioŏ im ba, Kwŏn jab lŏļņŏñ; Ña ij Eo mŏkta im Eo āliktata,
- [18] Im Eo ej mour; im I kar mej, ak lo, Ij mour indeeo im indeeo, im ippa ki ko ki in mej im ki an Hedis.

- [19] Innām kwōn jeje men ko kwaar loi, im men ko rej kiiō, im men ko re naaj waļok tokālik;
- [20] Men eo ettino an jiljilimjuon iju ko kwaar loi ilo pein anbwijmaroñiō, im jiljilimjuon jikin ļaam ko kool. Jiljilimjuon iju ko rej enjeļ ro an jiljilimjuon eklejia ko; im jiljilimjuon jikin ļaam ko rej jiljilimjuon eklejia.

JEPTA 2

- [Re 2.1] Ñan enjeļ an eklejia i Epesōs, kwōn jeje; Eo ej dāpij jiljilimjuon iju ko ilo pein anbwijmaroñan, Eo ej etetal eōļapin jiljilimjuon jikin ļaam ko kool, Ej ba men kein:
- [2] I jeļā kōmman ko am, im am jermal im kijenmej, im bwe kwō jab maroñ in kaperper eok kōn ro renana, im kwaar mālļejoñ ro rej make ņaetaer ri jelōk, ak e jab erro, im kwaar lo er ri riab;
- [3] Im kwōj kijenmej im kwaar kaperper eok ilo eta, im kwaar jab mōk.
- [4] A men in ippa ej ņotaṁ, bwe kwaar ilok jān am yokwe mōkta.
- [5] Innām kwōn keememej ijo kwaar buñ jān e, im ukeļok ippaṁ, im kōmanman jermal ko mōkta; eļañne jab, I naaj iwōj ñan eok, im I naaj kaṁakūt jikin ļaam eo am jān jikin, eļañne kwō jab ukeļok.
- [6] Ijoke, men in ippaṁ bwe kwōj jōjōik jermal ko an ro doon Nikolas, men ko Ij barāinwōt jōjōiki.
- [7] Eo lojilñin ippān en roñjake men ko Jetōb ej ba ñan eklejia ko. Eo ej bōk anjo, I naaj leļok ñan e bwe en mōñā jān leen wōjke in mour, eo ej ilo Paredais an Anij.
- [8] Im ñan enjeļ an eklejia i Smōrna kwōn jeje; Eo ej mōktata im āliktata, Eo e kar mej im E ar bar mour, Ej ba men kein:
- [9] I jeļā am jorrāān im jeraṁōl (a kwōj mweie), im blaspim eo an ro rej ba bwe rej ri Ju, ak e jab erro, a rej ri imōn kwelok an Setan.
- [10] Kwōn jab lōļñōñ kōn men ko kwō naaj eñtaan kaki: lo, tepiļ e naaj joļok jet iaami ņa ilowan prisōn bwe en mālļejoñ kom, im jorrāān e naaj ippemi iumwin joñoul raan. Kwōn tiljek ñan mej im I naaj lewōj ñan kwe pāllin eo pāllin mour.
- [11] Eo lojilñin ippān en roñjake men ko Jetōb ej ba ñan eklejia ko. Eo ej bōk anjo, mej kein ka ruo e jāmin kōkkure.
- [12] Im ñan enjeļ an eklejia i Pergemom, kwōn jeje; Eo, jāje eo ruo mejan im ekkañ ippān, Ej ba men kein:
- [13] I jeļā ijo kwōj jokwe ie, ijo ej pād tūroon an Setan, im kwōj dāpij eta, im kwaar jab kaarmejjete tōmak Eō ilo raan ko an Antipas, Aō ri kōnnaan etiljek eo emōj moṁ e eolōpemi ijo Setan ej jokwe ie.
- [14] Ijoke e iiet men ko ippa rej ņotaṁ, bwe ippemi ro rej dāpij katak an Beleōm, eo e ar katakin Belak bwe en likūt ļōkatip imaan mejan ro nejin Israel, bwe ren mōñā men in katok ñan ekjab ko, im bwe ren ļōñ.
- [15] Āindein barāinwōt ippemi ro rej dāpij katak an ro doon Nikolas.
- [16] Innām kwōn ukeļok ippaṁ; eļañne jab, I naaj iwōj mōkaj ñan kwe, im naaj tariṁaeik er kōn jāje eo an loñiō.

- [17] Eo lojiln̄in ippān en roñjake men ko Jetōb ej ba ñan eklejia ko. Eo ej bōk anjō, I naaj leļok ñan e jān manna ettino, im I naaj leļok ñan e dekā emouj, im ilo dekā eo emōj jeje āt ekāāl, eo ejjeļok en e jeļā a eo wōt ej bōk e.
- [18] Im ñan enjeļ an eklejia i Thaietaira, kwōn jeje; Nejin Anij, eo mejan rej āinwōt urur in kijeek, im neen āinwōt jinibōor ejatōltōl, Ej ba men kein;
- [19] I jeļā jermal ko aṃ, im am yokwe, im tōmak im jermal in jipañ im kijenmej, im bwe jermal ko aṃ āliktata relōñ jān ko ṃokta.
- [20] A men in ippa ej ṃotaṃ, bwe kwōj likūt kōrā eo, Jezebel, eo ej make ṃaetan ri kanaan, im ej katakin im ṃoṃi ro ri korijera bwe ren ļōñ im ṃōñā men in katok ñan ekjab ko.
- [21] Im I ar leļok ñan e iien ukeļok, ak e jab kōṃaan ukeļok ippān jān ļōñ eo an.
- [22] Lo, ij joļok e ṃa ilowan peet, im ro raar ļōñ ippān ilowan eñtaan eļap eļañne re jab ukeļok ippaer jān jermal ko an.
- [23] Im I naaj ṃoṃ ro nejin ilo mej, im eklejia otemjej re naaj jeļā, bwe Ña eo ej kapukōt būruen armej im ļōmṃak ko aer: im I naaj lewōj ñan kom kajju iaami ekkar ñan jermal ko ami.
- [24] A ij ba ñan kom ñan ro jet iaami i Thaietaira, ro jabdewōt katak in e jab ippaer, im raar jab jeļā ṃwilaļ ko an Setan, āinwōt aer ba, I jab jowōj iomi bar juon men eo eddo.
- [25] A men eo ippemi, komwin dāpije ṃae iien eo I naaj iwōj.
- [26] Im eo ej bōk anjō im kōjparok jermal ko Aō ñan jemļokōn, I naaj leļok ñan e kajoor ioon aelōñ ko:
- [27] Im e naaj Irooj ioer kōn māāl wāween wōt aļaļ, āinwōt ñe e kanooj rup jāpe ko an ri potter, āinwōt I ar barāinwōt bōk jān Jema.
- [28] Im I naaj leļok ñan e iju raan.
- [29] Eo lojiln̄in ippān en roñjake men ko Jetōb ej ba ñan eklejia ko.

JEPTA 3

- [Re 3.1] Im ñan enjeļ an eklejia i Sardis, kwōn jeje; Eo jiljilimjuon Jetōb an Anij ippān, im jiljilimjuon iju ko, Ej ba men kein: I jeļā jermal ko aṃ, bwe e buñbuñ bwe kwōj mour, im kwōj mej.
- [2] Kwōn ekil im kapen men ko rej pād wōt im ar nañin jako: bwe I ar lo ejjeļok aṃ jermal e weppān iṃaan mejan Aō Anij.
- [3] Innām kwōn keememej ekōjkan kwaar bōk im roñjake; im kwōn kōjparok im ukeļok ippaṃ. Innām eļañne kwō jāmin ekil, I naaj iwōj āinwōt ri koṃot, im kwō jāmin jeļā jete awa I naaj iwōj ioṃ.
- [4] Ijoke e iiet armej ippaṃ i Sardis raar jab kabwidejdey nuknuk ko aer, im re naaj etetal ippa ilo nuknuk remouj, bwe rej tōllokōn.
- [5] Eo ej bok anjō e naaj kōṃak nuknuk ko remouj, im I jāmin jeorļok etan jān bōk in mour, im I naaj kwaļok etan iṃaan mejan Jema, im iṃaan mejan enjeļ ro An.
- [6] Eo lojiln̄in ippān en roñjake men ko Jetōb ej ba ñan eklejia ko.

- [7] Im ñan enje] an eklejia i Philadelphia, kwõn jeje; Eo ekwõjarjar, Eo emool, Eo ki an Devid ippãn, Eo ej kapell̄ok im ejjel̄ok en e naaj kiili, im ej kiili, im ejjel̄ok en ej kapell̄ok, Ej ba men kein:
- [8] I jel̄ã jermal ko am̄ (lo, I ar lewõj ñan eok aor epell̄ok im ejjel̄ok en ej maroñ in kiili), bwe edik am̄ maroñ, im kwaar dãpij Aõ in naan, im kwaar jab kaarmejjete Eta.
- [9] Lo, Ij le]ok ro jãn imõn kwel̄ok an Setan re ba bwe re ri Ju im e jab erro, a rej riab; lo, I naaj kõmman bwe ren iwõj im kabuñ imaan niom̄ im bwe ren jel̄ã I ar yokwe eok.
- [10] Bwe kwaar dãpij naan in kijenmej eo Aõ, innãm I naaj barãinwõt dãpij eok jãn awa in kapo eo e naaj itok ioon aolepen la], im naaj mällejoñ ro otemjej rej jokwe ioon la].
- [11] Ij iwõj m̄okaj: kwõn dãpij men eo ippam̄, bwe ejjel̄ok juon en bõk pãlliõm̄.
- [12] Eo ej bõk anjo I naaj kõmman e bwe en juon juur ilo tempel an Aõ Anij, im e jãmin diwõj]ok jãn e, im I naaj jeje ioon etan Aõ Anij, im etan jikin kwel̄ok eo an Aõ Anij, Jerusalem ekããl, eo ej wanla]tak jãn lañ jãn Aõ Anij, im eta ekããl.
- [13] Eo lojil̄nin ippãn en roñjake men ko Jetõb ej ba ñan eklejia ko.
- [14] Im ñan enje] an eklejia i Leodisia, kwõn jeje; Eo ej Amen, Ri kõnnaan etiljek im emool, im Jinoim kõmanman an Anij, Ej ba men kein:
- [15] I jel̄ã jermal ko am̄, bwe kwõ jab piõ im jab bwil: I kõnaan kwõn piõ ak bwil, juon iaer.
- [16] Innãm bwe kwõj mããñãñ jidik, im jab piõ ak bwil, I naaj m̄ojakel̄ok eok jãn loñiõ.
- [17] Bwe kwõj ba, Ij m̄weie, im I ar koor]ok m̄weik ko, im ejjel̄ok aõ aikuj; im kwõ jaje bwe kwõj nana tam̄m̄wõm̄ im ri emem]okjen, im jera]õl, im pilo im keelwaan:
- [18] Innãm Ij pepe ippam̄ bwe kwõn wiaik ippa kool̄ emõj karreoik e ilo kijeek, bwe kwõn m̄weie; im nuknuk ko remouj bwe kwõn kõnaki, im jook an am keelwaan en jab wa]ok, im uno in pilo, bwe kwõn kapit mejõm̄ kake in lo]okjen.
- [19] Ro jabdewõt Ij yokwe er Ij kauwe im kajeik er. Innãm kwõn kate eok im ukel̄ok ippam̄.
- [20] Lo, Ij jutak imaan aor im kall]alla]. E]añne jabdewõt armej e naaj roñ ainikiõ im kapell̄ok aor eo, I naaj de]õñ]ok ñan e, im naaj kejota ippãn im e ippa.
- [21] Eo ej bõk anjo I naaj le]ok ñan e bwe en jijet ippa ioon tũroon eo Aõ, ãinwõt I ar barãinwõt bõk anjo, im ar jijet ippãn Jema ioon tũroon eo An.
- [22] Eo lojil̄nin ippãn, en roñjake men ko Jetõb ej ba ñan eklejia ko.

JEPTA 4

- [Re 4.1] Ælikin men kein I ar kallimjeke, im lo aor e pel]ok ilo lañ, im ainikien eo mokta, I ar roñjake ãinwõt jilel ke ej kõnono ippa, ej ba, Kwõn wanlõntok ije im I naaj bakajjien ñan eok men ko re naaj wa]ok tokãlik.
- [2] Kiiõ kiiõ I ar ilo Jetõb: im lo, tũroon emõj liküt e ilo lañ, im ioon tũroon eo Juon ej jijet;

- [3] Im Eo ej jijet Ej äinwõt dekã jasper im sardios, im iia ej kõpooļ tũroon eo, ilo nemãmein emerald.
- [4] Im iturin tũroon eo roñoul im emãn tũroon: im ioon tũroon kein roñoul im emãn elder rej jijet, im nuknuk ko aer remouj, im ioon bõraer pällin kooļ.
- [5] Im jãn tũroon eo rej iloķ jarom ko, im ainikien ko, im jourur ko: im jiljilimjuon ļaaṃ in kijeek rej urur iṃaan tũroon eo, er jiljilimjuon Jetõb an Anij:
- [6] Im iṃaan tũroon eo ej wãween lõmeto in glass äinwõt kristal. Im eoļõpin tũroon eo im iturin tũroon emãn men in mour, rej obrak kõn mej iṃaer im ilikiir.
- [7] Im men in mour juon ej äinwõt ļaiõõn: im men in mour kein ka ruo äinwõt koon kau; im men in mour kein ka jilu, turin mejan äinwõt armej, im men in mour kein ka emãn äinwõt igõl ej kaki.
- [8] Im men in mour ko emãn ka jiljino peir, im ilikin im ilowan rej obrak kõn mej: im ejjeļõķ kakkije ñan er raan im boñ, im rej ba, Ekwõjarjar, Irooj Anij, Ri Ekajoor otem kajoor, Eo ej ṃokta im Ej kiiõ im Ej itok.
- [9] Im jabdewõt iien men in mour ko re naaj leļõķ aiboojoj im nõbar im kaṃṃoolol ñan Eo ej jijet ioon tũroon eo, ñan Eo ej mour indeeo im indeeo,
- [10] Elder roñoul im emãn re naaj buñ iṃaan mejan Eo ej jijet ioon tũroon eo, im naaj kabuñ ñan Eo ej mour indeeo im indeeo, im naaj joļõķ pällier iṃaan tũroon, im ba,
- [11] Ekkar ñan Kwe, O Irooj im am Anij, bwe kwõn bõķ aiboojoj im nõbar im kajoor; bwe Kwaar kõṃanṃan men ko otemjej im kõn ankil Aṃ raar pãd im eṃõj kõṃanṃan.

JEPTA 5

- [Re 5.1] Im I ar lo ilo pein anbwijmaroñan Eo ej jijet ioon tũroon eo juon bok eṃõj jeje ilowan im ilikin, im sil kõn jiljilimjuon sil.
- [2] Im I ar lo enjeļ ekajoor im ej ba ilo ainikien eļap, Wõn eo ej tõllõķõn bwe en kapelleļõķ bok eo im kõtļõķ jiljilimjuon sil ko an?
- [3] Im ejjeļõķ en ilo lañ, ak ilo laļ, ak iuṃwin laļ e ar maroñ in kapelleļõķ bok eo ak kallimjeke.
- [4] Im eļap aõ jañ bwe ar lo ejjeļõķ juon ej tõllõķõn bwe en kapelleļõķ bok eo ak kallimjeke.
- [5] Im juon iaan elder ro e ar ba ñan eõ, Kwõn jab jañ: lo ļaiõõn eo jãn bwijin Juda, Okran Devid, E ar bõķ anjo bwe En kapelleļõķ bok eo im jiljilimjuon sil ko an.
- [6] Im I ar lo eoļõpin tũroon eo im men in mour ko emãn, im eoļõpin elder raṃ, ļaaṃ ej jutak im äinwõt eṃõj kar ṃoṃ E, im ippãn jiljilimjuon doon, im jiljilimjuon mejan, rej jiljilimjuon Jetõb õn Anij, jilkinļõķ er ilowan aolepen laļ,
- [7] Im E ar itok, im Ej bõķ e jãn pein anbwijmaroñan Eo ej jijet ioon tũroon eo.
- [8] Im ke E ar bõķ bok eo, men in mour ko emãn im elder ro roñoul im emãn raar buñ iṃaan mejan ļaaṃ eo, im ippaer kajju arp im jãpe ko kooļ re obrak kõn kaijurjur, rej jar ko an ro reṃṃan.

- [9] Im rej al kōn al ekāāl, im ba, Ekkar ñan Kwe bwe kwōn bōk bok eo, im kapellōk sil ko an, bwe emōj man Eok, im Kwaar wiaik ñan Anij ilo bōtōktōkōm armej jān bwij otemjej, im kōnono otemjej, im riloabjen otemjej, im aelōñ otemjej,
- [10] Im Kwaar kōmman bwe ren kiñ im pris ro; im rej kiñ ioon la].
- [11] Im I ar lo, im I ar roñ ainikien elōñ enje] iturin tūroon eo, im men in mour ko im elder ro, im oraer ej joñoul tōujin alen joñoul tōujin im tōujin ko alen tōujin ko:
- [12] Im rej ba im e]ap ainikier, Ekkar ñan Laam eo, emōj man E, bwe En bōk kajoor, im mweiuk ko, im mālōtlōt, im maroñ im nōbar, im aiboojoj im wūjtak.
- [13] Im men ko otemjej, men in kōmanman ko ilo lañ, im ioon la], im iumwin la], im ioon lometo, im men ko otemjej ilowaer, I ar roñjaki im rej ba, Ñan Eo ej jijet ioon tūroon eo im ñan Laam eo, en wūjtak im nōbar im aiboojoj im kajoor indeeo im indeeo.
- [14] Im men in mour ko emān raar ba, Amen. Im elder ro raar buñ im kabuñ.

JEPTA 6

- [Re 6.1] Im I ar lale ke Laam eo E ar kapellōk juon iaan sil ko jiljilimjuon, im I ar roñ juon iaan men in mour ko emān, im ej ba ilo ainikien āinwōt jourur, Kwōn itok.
- [2] Im I ar lale, im lo, o]oj emouj im ippān Eo ej jijet ioon lippo]on, im ar le]ok ñan E pāllin: im Ej bōk an]o im wanman]ok bwe En bōk an]o.
- [3] Im ke E ar kapellōk sil kein ka ruo, I ar roñ men in mour kein ka ruo, im ej ba, Kwōn itok.
- [4] Im bar juon o]oj ekilmir ej wa]oktok: im ar le]ok ñan eo ej jijet ioon bwe en bōk aenōmman jān la], im bwe ren man doon: im ar le]ok ñan e jāje e]ap.
- [5] Im ke E ar kapellōk sil kein ka jilu, I ar roñ men in mour kein ka jilu, im ej ba, Kwōn itok. Im I ar lale, im lo o]oj ekilmej, im ilo pein anbwijmaroñan eo ej jijet ioon, kein b]un.
- [6] Im I ar roñ āinwōt ainikien eo]ōpin men in mour ko emān, im ej ba, Juon kwort wit kōn juon silliñ, im jilu kwort barli kōn juon silliñ, im kwōn jab kōkkure oil im wain.
- [7] Im ke E ar kapellōk sil kein ka emān, I ar roñ ainikien men in mour kein ka emān, im ej ba, Kwōn itok.
- [8] Im I ar lale, im lo o]oj jebarre im eo e ar jijet ioon, etan Mej; im Hedis ej]oor e, im ar le]ok ñan er kajoor ioon juon mōttan emān la], bwe ren man kōn jāje, im kōn nūta, im kōn mej im kōn kidu ko rawia an la].
- [9] Im ke E ar kapellōk sil kein ka]alem, I ar lo iumwin lokatok, jetōb an ro emōj man er kōn naan in Anij, im kōn kōnnaan eo raar kōnnaan kake;
- [10] Im raar lamōj ilo ainikien e]ap, im ba, O Karo ekwōjarjar im emool, ietoon Kwō jab ekajet im iden-o]ne kōn amwōj bōtōktōk ioon ro rej jokwe ilo la]?
- [11] Im ar le]ok ñan er otemjej nuknuk ko remouj; im ar ba ñan er bwe ren kakkije bar jidik iien, ñan tōr eo ro korijer ippaer, im ro jeir im jatir, ro naaj man er āinwōt rein, re naaj kamōj]ok aer etal.

- [12] Im I ar lale ke E ar kapel]ok sil kein ka jiljino, im e]ap an la] makũtkũt, im a] e ar erom ekilmej ãinwõt nuknuk koo], im allõñ iio erom ãinwõt bõtõktõk;
- [13] Im iju in lañ raar wõtlok ñan la] ãinwõt wõjke fig ej jo]ok fig ko re jañin kalo, ke kõto e]ap ej idike.
- [14] Im ar bõk]ok lañ ãinwõt men in jeje ke emõj lemleme, im to] otemjej im aelõñ otemjej ar kamakũti jãn jikiir.
- [15] Im kiñ ro an la], im irooj rañ, im kapen re]ap, im ro ri mweie, im ro re kajoor, im ri kamakoko otemjej, im ri anemkwõj otemjej raar tilekek ilowan roñ ko im ilo dekã in to] ko;
- [16] Im rej ba ñan to] ko im ñan dekã ko, komwin buñ iom in nooj kõm jãn mejan Eo ej jijet ioon tũroon eo, im jãn illu an]aam eo:
- [17] Bwe raan e]ap raan in illu eo An e moottok, im wõn ej maroñ in jutak?

JEPTA 7

- [Re 7.1] Ælikin men in I ar lo emãn enje] im rej jutak ioon emãn jabõn la], im rej dãpij emãn kõto ko an la], bwe kõto en jab ukwi ioon ãne ak ioon]ometo, ak ioon jabdewõt wõjke.
- [2] Im I ar lo bar juon enje] im ej wanlõñtok jãn tak a], im kein sil an Anij emour ippãn, im e ar lamõj ilo ainikien e]ap ñan enje] ro emãn, ar le]ok ñan er bwe ren kõkkure ãne im]ometo,
- [3] Im ba, Komwin jab kõkkure ãne ak]ometo ak wõjke ko, mokta jãn am sil ro korijeran ad Anij ioon demaer.
- [4] Im I ar roñ oran ro emõj sil er, jibukwi eñoul im emãn tøjün, ar sil er jãn bwij otemjej an ro nejin Israel.
- [5] Jãn bwijin Juda ar sil joñoul im ruo tøjün: jãn bwijin Ruben joñoul im ruo tøjün; jãn bwijin Gad joñoul im ruo tøjün:
- [6] Jãn bwijin Aser joñoul im ruo tøjün: jãn bwijin Naptelai joñoul im ruo tøjün: jãn bwijin Manassa joñoul im ruo tøjün:
- [7] Jãn bwijin Simeõn joñoul im ruo tøjün: jãn bwijin Livai joñoul im ruo tøjün: jãn bwijin Issekar joñoul im ruo tøjün:
- [8] Jãn bwijin Zebulõn joñoul im ruo tøjün: jãn bwijin Josep joñoul im ruo tøjün: jãn bwijin Benjamin ar sil joñoul im ruo tøjün.
- [9] Ælikin men kein I ar lale, im lo, jar e]ap, eo ejjel]ok armej ej maroñ in bwimir, jãn aelõñ otemjej, im iaan bwij otemjej, ri riloabjen otemjej, im kõnono otemjej, rej jutak imãan tũroon eo im imãan mejan]aam, kõñaki kõn nuknuk ko remouj, im pam ko ilo peir;
- [10] Im rej lamõj ilo ainikien e]ap, im ba,]omoor ñan amwõj Anij eo Ej jijet ioon tũroon, im ñan]aam.
- [11] Im enje] otemjej raar jutak iturin tũroon eo, im iturin elder ro im men in mour ko emãn, im rej buñpedo imãan tũroon im kabuñ ñan Anij,
- [12] Im ba, Amen: Wũjtak, im aiboojoj, im mãlõtlõt, im kam]oolol, im nõbar, im kajoor, im maroñ, ñan amwõj Anij indeeo im indeeo. Amen.

- [13] Im juon iaan elder ro e ar uwaak im ba ñan eõ, Er rej kõṅak nuknuk ko remouj, Wõn ro? im rej itok jãn ia?
- [14] Im ij ba ñan e, Kwe, aõ irooj, kwõ jeļã. Im e ba ñan eõ, Rein ro raar itok jãn eñtaan eo eļap, im raar kwaļe im kamouj nuknuk ko aer ilo bõtõktõkin Ƙaaṃ.
- [15] Kõn men in rej iṃaan tũroon an Anij, im rej korijer ñan E raan im boñ ilo tempel eo An; im Eo ej jijet ioon tũroon E naaj kaṃweiium er ilo ṃweo iṃõn.
- [16] Re jãmin bar kwõle, re jãmin bar maro, im aļ e jãmin bar kõjeek er, jab, ak ejjeļok bwil:
- [17] Bwe Ƙaaṃ eo Ej eoļõpin tũroon E naaj aer Seperd, im E naaj tõl er ñan unin dãn ko dãn in mour; im Anij e naaj kõṃõrãik dãninn kõṃjaaļaļ otemjej jãn mejeir.

JEPTA 8

- [Re 8.1] Im ke E ar kapeļļok sil kein ka jiljilimjuon, lañ ej ikõñ iuṃwin ãinwõt jeblokwan awa.
- [2] Im I ar lo jiljilimjuon enjeļ ro rej jutak iṃaan tũroon eo, im ar leļok ñan er jiljilimjuon jilel.
- [3] Im bar juon enjeļ e ar itok im jutak ioon lokatok eo, im ippãn jãpe senser kooļ; im ar leļok ñan e elõñ kaijurjur, bwe en kobaik e ippãn jar ko an ro remṃan otemjej ioon lokatok kooļ eo ej iṃaan tũroon eo.
- [4] Im ej wanlõñļok baat in kaijurjur ippãn jar ko an ro remṃan kõn pein enjeļ eo iṃaan mejan Anij.
- [5] Im enjeļ eo e ar bõk senser eo, im e ar kobraik e jãn kijeek eo an lokatok, im e ar joļok e ṅa ilo laļ; im e ar waļok jourur ko, im ainikien ko, im jarom ko, im an laļ makũtkũt.
- [6] Im enjeļ ro jiljilimjuon, ro jiljilimjuon jilel ippaer, raar kapoj bwe ren jilel.
- [7] Im eo ṃokta e ar jilel, im e ar waļok wõt e pen im kijeek kãreiki kõn bõtõktõk, im julok ñan laļ: im ar tile juon ṃõttan jilu laļ, im ar tile juon ṃõttan jilu wõjke ko, im ar tile aolepen wũjooj emaroro.
- [8] Im enjeļ kein ka ruo e ar jilel, im ar joļok ṅa ilo lõmeto ãinwõt toļ eļap eurur kõn kijeek, im juon ṃõttan jilu lõmeto ej erom bõtõktõk;
- [9] Im raar mej juon ṃõttan jilu men in kõṃanṃan ko ilo lõmeto rej mour, im kõkkure juon ṃõttan jilu wa ko.
- [10] Im enjeļ kein ka jilu e ar jilel, im e ar wõtlok jãn lañ iju eļap, ej urur ãinwõt ƙaaṃ, im e ar wõtlok ioon juon ṃõttan jilu reba ko, im ioon unin dãn ko:
- [11] Im ṅaetan iju eo Kabwijiļõñ, im juon ṃõttan jilu dãn ko rej erom kabwijiļõñ, im elõñ armej raar mej kõn dãn ko, bwe re meo.
- [12] Im enjeļ kein ka emãn e ar jilel, im ar tuwe juon ṃõttan jilu aļ, im juon ṃõttan jilu allõñ, im juon ṃõttan jilu iju ko, bwe juon ṃõttan jilu iaer ren marok, im bwe raan en jab romaak iuṃwin juon ṃõttan jilu iaan, im barãinwõt boñ.
- [13] Im I ar lale, im ij roñ juon igõl ej kaki i mejatoto, im ej ba ilo ainikien eļap, Wo, wo, wo, ñan ro rej jokwe ioon laļ, jãn ṃõttan ainikien jilel ko an enjeļ ro, re nañin jilel.

JEPTA 9

- [Re 9.1] Im enjel kein ka lalem e ar jilel, im I ar lo iju e wōtlōk jān lañ ñan la; im ar leļok ñan e ki an roñ in abys eo.
- [2] Im e ar kapelļok roñ in abys eo, im ej wanlōñļok jān roñ eo baat ainwōt baat in upaaj eļap, im ar kamarok aļ im mejatoto kōn baat in roñ eo.
- [3] Im jān baat eo lokōs rej itok ioon la; im ar leļok ñan er maroñ ainwōt maroñ eo ippān mādepep ko an la.
- [4] Im ar ba ñan er bwe ren jab kōkkure wūjooj in la, ab jabdewōt men eo emaroro, ak jabdewōt wōjke, a armej wōt ro otemjej sil an Anij e jab ilo demaer.
- [5] Im ar leļok ñan er bwe ren jab man er, a bwe ren kaeñtaan er iumwin lalem allōñ: im aer kaeñtaan ej ainwōt eñtaan jān mādepep ke ej wie armej.
- [6] Im ilo raan ko armej re naaj kapukōt mej, im re jāmin loe; im re naaj kanooj kōñaan bwe ren mej, im mej ej ko jān er.
- [7] Im wāween lokōs ko ej ainwōt ooj ko emōj kapoj er ñan tariṅae, im ioon bōraer ainwōt pällier kooļ, im turin mejeir ainwōt turin mejan armej.
- [8] Im kooļaer ej ainwōt kooļan bōran kōrā raṅ, im ñi ko ñier ainwōt ñiin ļaiōñ.
- [9] Im ippaer kōrrep in ubeir ainwōt kōrrep māāl, im ainikien peir ej ainwōt ainikien elōñ jariōt im ooj ke rej tōr ñan tariṅae.
- [10] Im lōk ko lōkaer rej ainwōt lōkōn mādepep, im kein ire ko aer, im kōn lōkaer rej maroñ in kōkkure armej iumwin lalem allōñ.
- [11] Ej kiñ ioer enjel an abys eo, im etan ilo Hibru, Abaddon, ak ilo Grik etan Apollyon.
- [12] Wo eo mokta e mootļok: lo, bar ruo wo rej itok tokālik.
- [13] Im enjel kein ka jiljino e ar jilel, im I ar roñ juon ainikien jān doon ko an lokatok kooļ, ej imaan mejan Anij,
- [14] Juon ej ba ñan enjel kein ka jiljino, jilel ippān, Kwōn kōtļok enjel ro emān lukwōj er iturin reba eļap etan Upretis.
- [15] Im ar kōtļok enjel ro emān re pojak ñan awa, im raan, im allōñ, im iiō, bwe ren man juon mōttan jilu armej raṅ.
- [16] Im oran ri tariṅae rej ioon ooj ko roñoul tōujin alen joñoul tōujin: I ar roñ oraer.
- [17] Im äindein I ar lo ooj ko ilo visiōn eo, im ro raar jijet ioer, im ippaer kōrrep ben ubeir ainwōt kijeek im haiesinth im brimston: im bōran ooj ko ainwōt bōran ļaiōñ; im jān loñir ej ilōk kijeek im baat im brimston.
- [18] Kōn men in kaeñtaan kein jilu ar man juon mōttan jilu armej raṅ, kōn kijeek im baat im brimston, rej ilōk jān loñir.
- [19] Bwe maroñ an ooj ko ej ilo loñir kab ilo lōkaer. Bwe lōkaer rej ainwōt jedpānit ko im ewor bōran lokaer; im rej kōkkure kaki.
- [20] Im armej ro jet, men in kaeñtaan ko raar jab man er, raar jab ukeļok ippaer jān jermal ko an peir, bwe ren jab kabuñ ñan timoṅ raṅ, im ekjab ko kooļ, im silver, im jinibōor, im dekā, im wōjke re ban lo ak roñ ak etetal.
- [21] Im raar jab ukeļok ippaer jān aer urōt ko ak madmōd ko, ak ļōñ, ak kōot ko.

JEPTA 10

- [Re 10.1] Im I ar lo bar juon enjel ekajoor ej wanlaɬtak jān lañ, im nuknuk ko an kōdo, im iia ioon bōran, im turin mejan āinwōt aɭ, im neen āinwōt jurōn kijeek ko.
- [2] Im ippān, ilo pein, bok edik im e peɭɭok; im e ar likūt neen anbwijmaroñan ioon ɭometo, im neen anmiñin ioon āne;
- [3] Im e ar laṃōj ilo ainikien eɭap, āinwōt ke ɭaiōñ ej rorrer: im ke eṃōj an laṃōj, jourur ko jiljilimjuon raar kwaɭok ainikier.
- [4] Im ke jourur ko jiljilimjuon raar kōnono, I nañin jeji: im I ar roñ ainikien jān lañ ej ba, Kwōn sil men ko jourur ko jiljilimjuon raar ba im jab jeji.
- [5] Im enjel eo I ar loe im ej jutak ioon ɭometo im ioon āne, e ar kotake pein anbwijmaroñan ñan lañ,
- [6] Im e ar kanejnej kōn Eo ej mour indeeo im indeeo, Eo e ar kōṃanṃan lañ kab men ko ilowan, im laɭ kab men ko ilowan, im ɭometo kab men ko ilowan, bwe e jāmin bar ewor kattar:
- [7] A ilo raan ko an ainikien enjel kein ka jiljilimjuon ne e nañin jilel, men eo ettino an Anij ej jejjet, āinwōt E ar kwaɭok naan eṃṃan ñan ro ri korijeran, ro ri kanaan.
- [8] Im ainikien eo I kar roñ jān lañ, ij bar roñjake ke ej kōnono ippa, im ba, Kwōn ilok, im bōk bok eo epeɭɭok ej ilo pein enjel eo ej jutak ioon ɭometo im ioon āne.
- [9] Im I ar ilok ñan ippān enjel eo, im ba ñan e, Kwōn letok bok ɱe edik. Im ej ba ñan eō, Kwōn bōk e im kañe, im e naaj kameo ɭojiōṃ a ilo ɭoñōṃ e naaj tōñal āinwōt ōne.
- [10] Im I ar bōk bok eo edik jān pein enjel eo im kañe, im e ar ilo ɭoñiō etōñal āinwōt ōne, im ke I ar kañe eṃōj kameo ɭojiō.
- [11] Im ej ba ñan eō, Eṃṃan kwōn bar rūkaanij kōn elōñ riloabjen, im aelōñ, im kōnono, im kiñ.

JEPTA 11

- [Re 11.1] Im ar letok ñan eō koba āinwōt aɭaɭ, im juon ej ba, Kwōn jutak, im joñe tempel an Anij, im lokatok, im ro rej kabuñ ilo e.
- [2] Im ilowan wōrwōr eo ej i nabōj in tempel, kwōn likūt e im jab joñe; bwe eṃōj leɭok ñan ro ri aelōñ, im re naaj juuri jikin kwelok ekwōjarjar iuṃwin eñoul im ruo allōñ.
- [3] Im I naaj leɭok ñan Aō ri kōnnaan ruo, im re naaj rūkaanij iuṃwin juon tɔujin rūbukwi im jiljinoñoul raan, im nuknuk ko aer nuknuk kooɭ.
- [4] Rein rej ruo wōjke oliv, im ruo jikin ɭaam rej jutak iṃaan mejan Irooj in laɭ.
- [5] Im eɭañne jabdewōt armej e kōṃaan kōkkure er, kijeek ej ilok jān ɭoñier, im kañi ro ri kōjdate er. Im eɭañne jabdewōt armej e kōṃaan kōkkure er, āindein eṃṃan ṃan e.
- [6] Ippaer maroñ in kiili lañ bwe en jab wōt iuṃwin raan ko an rūkaanij eo aer, im maroñ ippaer ioon dān ko, bwe ren kōṃṃan er erom bōtōktōk, im bwe ren ṃan laɭ kōn jabdewōt men in kaeñtaan, emakijkij āinwōt aer kōṃaan.

- [7] Im ñe re naaj kamōj]lok aer kōnnaan, kidu awiia eo ej wanlōñtok jān abys eo, e naaj tariṇaeik er, im naaj ṁan er.
- [8] Im ubeir rej pād ilo ial in jikin kwelok eḷap, eo ṇaetan ekkar ṇan jetōb, Sodōm im Ijipt, ijo eṁōj barāinwōt debwāāl aer Irooj ie.
- [9] Im armej jān riloabjen ko, im bwij ko, im kōnono ko, im aelōñ ko, rej alwōj ubeir iuṁwin jilu im jeblokwan raan, im jab likūt bwe ren kalbwin er ilo lōb.
- [10] Im ro rej jokwe ioon laḷ rej lañlōñ ioer im ṁōṇōṇō; im re naaj jilkin]lok men in leḷok ko ṇan doon, bwe ri kanaan reinro, re kar kaeñtaan ro rej jokwe ioon laḷ.
- [11] Im ālikin jilu im jeblokwan raan, menonoñ mour jān Anij ej deḷoñtok ilo er, im rej jutak kōn neir, im lōñṇōñ eḷap e ar buñ ioon ro raar lo er.
- [12] Im raar roñ ainikien eḷap jān lañ, im ej ba ṇan er, Komwin wanlōñtok ije. Im raar wanlōñ]lok ṇan lañ ilo kōḍo, im ro aer ri kōjdat raar lo er.
- [13] Im ilo awa eo eḷap an laḷ ṁakūt kūt, im juon ṁōttan joñoul jikin kwelok eḷap e ar buñ; im ilo an laḷ ṁakūt kūt eo, re mej armej jiljilimjuon tōujin: im rojet rej lōñṇōñ, im leḷok aiboojoj ṇan Anij in lañ.
- [14] Wo kein ka ruo e moot]lok: lo, wo kein ka jilu e ṁōkajtok.
- [15] Im enjeḷ kein ka jiljilimjuon e ar jilel, im ewor ainikien reḷap ilo lañ rej ba, Aelōñ an laḷ eṁōj an erom aelōñ an am Irooj, im an Kūraj eo An, im E naaj kiñ indeeo im indeeo.
- [16] Im elder ro roñoul im emān rej jijet ioon tūroon ko aer iṁaan mejan Anij, raar buñpedo im kabuñ ṇan Anij,
- [17] Im ba, Kōm kamṁoolol Eok O Irooj Anij ekajoor otem kajoor, Kwōj kiiō im ar ṁokta, bwe Kwaar bōk am kajoor eḷap im kwaar kiñ.
- [18] Im ri aelōñ ko raar illu, im e ar itok Am illu, im iien ekajet ro re mej, im iien leḷok jinōkjeej ko aer ṇan ro ri korijerōṁ ri kanaan, im ṇan ro reṁṁan, im ṇan ro rej mijak etam, ro redik im ro reḷap; im kōkkure ro rej kōkkure laḷ.
- [19] Im ar kapel]lok tempel in Anij ilo lañ, im ar lo tōptōp in bujen eo An ilo An tempel, im ewor jarom ko, im ainikien ko, im jourur ko, im an laḷ ṁakūt kūt, im wōt repen im reḷap.

JEPTA 12

- [Re 12.1] Im ar lo kakō]le eḷap ilo lañ; juon kōrā ṇa ballin kōn aḷ, im allōñ iuṁwin neen, im ioon bōran pāllin joñoul im ruo iju;
- [2] Im ej bōrōro, im ej lamōj ilo an eñtaan im metak bwe en keotak.
- [3] Im ar lo bar juon kakō]le ilo lañ; im lo drakon ekilmir im eḷap, im ippān jiljilimjuon bōran im joñoul doon, im ioon bōran ko jiljilimjuon pāllin.
- [4] Im lōkōn ej lekake juon ṁōttan jilu iju in lañ, im ar julok ṇan laḷ. Im drakon eo ej jutak iṁaan kōrā eo e nañin keotak, bwe ne eṁōj an keotak en kañ nejin.
- [5] Im lio e ar keotak nejin eṁṁaan, Eo e naaj Irooj ioon aelōñ otemjej kōn māāl wāween aḷaḷ. Im ar bōklōñ]lok nejin ṇan Anij im ṇan tūroon eo An.
- [6] Im kōrā eo e ar ko ilujen āne jemaden, ijo eṁōj kapoj jikin ie kōn Anij, bwe ren naajdik e ijo iuṁwin juon tōujin rūbukwi im jiljinoñoul raan.

- [7] Im raar tariṇae ilo lañ, Maikeel im enjeļ ro an raar tariṇaeik drakon eo; im drakon e ar tariṇae im enjeļ ro ippān:
- [8] Im raar jab anjo, im ar jab bar lo jikiir ilo lañ.
- [9] Im ar joļok drakon eo eļap, jedpānit e rūtto, ṇaetan tepiļ im Setan, eo ej moṇi aolepen laļ, ar joļok e ṇan laļ, im ar joļok enjeļ ro an ṇa ippān.
- [10] Im I ar roñ ainikien eļap ilo lañ im ej ba, Kiiō eṇōj an itok lōmoor, im maroñ, im aelōñ an am Anij, im kajoor an Kūraij eo An, bwe eṇōj jolaļok ri kinaakļok ro jeim im jatim, eo ej kinaakļok er iṇaan am Anij raan im boñ.
- [11] Im raar bōk anjo ioon kōn bōtōktōkin Łaam, im kōn naan in aer kōnnaan: im raar jab yokwe aer mour ṇan mej.
- [12] Kōn men in koṇwin lañlōñ, O lañ ko, im komeo komij jokwe ilowaer. Wo ṇan āne im lōmeto: bwe tepiļ e ar wanlaļwōj ṇan kom, im eļap an illu, bwe e jeļā jidik wōt iien ippān.
- [13] Im ke drakon e ar lo bwe jolaļok e ṇan laļ, e ar matōrtōre kōrā eo, e kar keotak nejn eṇṇaan.
- [14] Im ar leļok ṇan kōrā ruo pein igōl eļap, bwe en kaki ilujen āne jeṇaden, ijo naajdik e ie iuṇwin iien iien ko, im jeblokwan iien, jān mejan jedpānit eo.
- [15] Im jedpānit eo e ar joļok jān loñin ālikin kōrā dān āinwōt reba, bwe en kinōrļok e kōn reba eo.
- [16] Im laļ ej jipañ kōrā eo im laļ e ar walañi loñin, im wōrañļok reba eo drakon e ar joļok jān loñin.
- [17] Im drakon eo e ar kaļapļok illu ṇan kōrā, im e ar ilen tariṇaeik bween ineen, ro rej kōjparok kien ko an Anij, im kōnnaan an Jijej ippaer:

JEPTA 13

- [Re 13.1] Im ej jutak ioon bok in lōmeto. Im I ar lo kidu awiia ej waļoklōñļok jān lōmeto, im ippān joñoul doon im jiljilimjuon bōran, im ioon doon ko joñoul kūrāwūn, im ioon bar ko āt naan in blaspim.
- [2] Im kidu eo I ar loe ej āinwōt leopard, im neen āinwōt neen bear im loñin āinwōt loñin ļaiōñ. Im drakon eo ej leļok ṇan e an kajoor, an tūroon, im maroñ eļap.
- [3] Im I ar lo juon iaan bōran ko āinwōt eṇōj kakinejne e bwe en kar mej. Im e ar mour jān kinej eo kōnjan mej. Im aolepen laļ ej bwilōñ ālikin kidu eo;
- [4] Im rej kabuñ ṇan drakon eo, bwe e ar leļok maroñ ṇan kidu eo; im raar kabuñ ṇan kidu, im ba, Wōn ej āinwōt kidu eo? Im wōn ej maroñ in tariṇaeik e?
- [5] Im ar leļok ṇan e loñin ej ba naan ko reļap im blaspim; im ar leļok ṇan e maroñ bwe en pād wōt iuṇwin eñoul im ruo allōñ.
- [6] Im e ar walañi loñin bwe en blaspim Anij, im blaspim etan, im ṇweo iṇōn, aet ro rej jokwe ilo lañ.
- [7] Im ar leļok ṇan e bwe en tariṇaeik ro reṇṇan, im bōk anjo ioer, im ar leļok ṇan e maroñ ioon bwijin riloabjen, im kōnono im aelōñ otemjeļok.
- [8] Im ro otemjej rej jokwe ioon laļ re naaj kabuñ ṇan e, jabdewōt eo ar jab jeje etan ilo bok in mour an Łaam eo, eṇōj ṇan E, jān jinoin kōṇanṇan laļ.

- [9] Eļañņe lojilņin ippān jabdewōt en roņjake.
- [10] Eļañņe jabdewōt armej ej ñan jipokwe, ej ilok ñan jipokwe: eļañņe jabdewōt armej e naaj man kōn jāje, ren man e kōn jāje. Ijin kijenmej im tōmak an ro remman.
- [11] Im I ar lo bar juon kidu ej waļoklōñļok jān laļ; im ippān ruo doon āinwōt ļaam, im ej kōnono āinwōt drakon.
- [12] Im ej kōmman kōn aolepen maroņ in kidu mokta imaan mejan. Im ej kōmman bwe laļ im ro rej jokwe ioon ren kabuņ ñan kidu mokta, eo e kar mour jān kinej in mej eo an.
- [13] Im ej kōmman men in bwilōñ ko reļap, im ej kōmman bwe kijeek en wanlaļtak jān laņ ñan laļ imaan mejan armej raņ.
- [14] Im ej moņi ro rej jokwe ioon laļ kōn men in bwilōñ ko, emōj leļok ñan e bwe en kōmman imaan mejan kidu eo, im ej ba ñan ro rej jokwe ioon laļ; bwe ren kōmman men in e ñan kidu eo emōj jebōke kōn jāje im ej mour.
- [15] Im ar leļok ñan e bwe en leļok menono ñan men in e in kidu eo, bwe men in e in kidu en kōnono im kōmman bwe ren man ro otemjej re jab kabuņ ñan men in e in kidu eo.
- [16] Im ej kōmman kōn armej otemjej, ro redik im ro reļap, ro ri mweiie im ro ri jeraṁōl, ro anemkwōjaer im ro ri kamakoko, bwe ren leļok ñan er kakōļlen ioon pein anbwijmaroņir ak ioon demaer;
- [17] Im bwe ejjeļok armej en maroņ in wiaik ak wiakake, eļañņe e jab ippān kakōļlen, aet, etan kidu eo, ak oran etan.
- [18] Ijin ej mālōtlōt. Eo jeļāļokjeņ ippān en bwini oran kidu eo; bwe ej oran armej: im oran ej jiljinobukwi jiljinoņoul im jiljino.

JEPTA 14

- [Re 14.1] Im I ar lale, im lo, ļaam ej jutak ioon toļ Zaiōn, im ippān jibukwi eņoul im emān toujin, emōj jeje etan im etan Jemen ioon demaer.
- [2] Im I ar roņ ainikien jān laņ āinwōt ainikien elōñ dān ko, im āinwōt ainikien jourur eļap: im ainikien eo I ar roņjake ej āinwōt ro ri harp rej harp kōn harp ko aer:
- [3] Im rej al āinwōt kōn al ekāāl imaan tūroon eo, im imaan men in mour ko emān, im elder ro: im ejjeļok armej ej maroņ in katak al eo, a jibukwi eņoul im emān toujin wōt, ro emōj wiaik er jān laļ.
- [4] Rein ro raar jab ettoon ippān kōrā raņ bwe rej bōjin. Rein ro rej ļoor ļaam eo ijo jabdewōt Ej etal ie. Rein emōj wiaik er jān iaan armej ro, āinwōt jomōkaj ñan Anij im ñan ļaam.
- [5] Im ilo loņir ar lo ejjeļok riab, ak ejjeļok notaer.
- [6] Im I ar lo bar juon enjeļ ej kāke i mejatoto, im ippān gospel ej indeeo, bwe en kwaļok e ñan ro rej jokwe ioon laļ, im ñan aelōñ im bwij im kōnono im riloabjen otemjeļok;

- [7] Im ej ba ilo ainikien eĵap, Komwin mijak Anij im leĵok aiboojoj ñan E, bwe awa in ekajet eo An e moottok: im komwin kabuñ ñan Eo e ar kōmanman lañ, im āne, im lometo, im un ko unin dān.
- [8] Im bar juon enjeĵ kein ka ruo e ar ĵoore im ba, Ebuñ, ebuñ Babulōn eĵap, eo e ar kaidaak aelōñ otemjej kōn wain in illu in ĵōñ eo an.
- [9] Im bar juon enjeĵ, kein ka jilu, e ar ĵoor erro, im ba ilo ainikien eĵap, Eĵañne jabdewōt armej ej kabuñ ej kabuñ ñan kidu eo, im men in e an, im bōk kakōĵlen eo ioon demōn ak pein,
- [10] E naaj idaaak wain in illu an Anij emōj kapoj im jab käreike ilo kab in illu eo An, im naaj kaeñtaan e kōn kijeek im brimston imaan mejan enjeĵ ro, im imaan mejan Laam.
- [11] Im baat in eñtaan eo aer ej wanlōñĵok indeeo im indeeo, im ejjeĵok kakkije ippaer raan ak boñ, ro rej kabuñ ñan kidu eo, im men in e an, im ro jabdewōt rej bōk kakōĵlen etan.
- [12] Ijin kijenmej an ro remman, ro rej kōjparok kien ko an Anij im tōmak Jijej.
- [13] Im I ar roñ ainikien jān lañ, im ej ba, Kwōn jeje, Emōñōñō ro re mej, ro rej mej ilo Irooj jān iien in, Aet, Jetōb ej ba, bwe ren kakkije jān jermal ko aer; bwe jermal ko aer rej ĵoor ĵok er.
- [14] Im I ar lale, im lo, kōdō emouj; im ioon kōdō eo juon ej jijet āinwōt Nejin armej, im ioon bōran pällin kooĵ, im ilo pein sikel ekkañ.
- [15] Im bar juon enjeĵ e ar diwōjtok jān tempel eo, im ej lamōj ilo ainikien eĵap ñan Eo ej jijet ioon kōdō eo, Kwōn jilkinĵok sikel ne am im madmōd, bwe awa in madmōd e moottok, im jōnikōn laĵ e menoknok.
- [16] Im Eo ej jijet ioon kōdō, e ar joĵok sikel eo An ña ioon laĵ, im ar madmōd laĵ.
- [17] Im bar juon enjeĵ e ar diwōjtok jān tempel eo ej ilo lañ, im barāinwōt ippān sikel ekkañ.
- [18] Im bar juon enjeĵ e ar diwōjtok jān lokatok eo, im ippān maroñ ioon kijeek, im e ar lamōj ilo ainikien eĵap ñan eo sikel ekkañ ippān, im ba Kwōn jilkinĵok sikel ne am ekkañ, im aain wōrwōr in vain in laĵ; bwe grep ko an re kalo.
- [19] Im enjeĵ eo e ar joĵok an sikel ña ioon laĵ, im aain vain in laĵ im joĵok e ña ilo kein joniak wain eĵap eo an Anij illu.
- [20] Im ar juuri kein joniak wain eo ilikin jikin kwelok, im bōtōktōk e ar tōor ĵok jān kein joniak wain, ñan kein dāpij ooj ko ilo juon tōujin im jiljino bukwi fōrloñ.

JEPTA 15

- [Re 15.1] Im I ar lo ilo lañ bar juon kakōĵle eĵap im men in bwilōñ jiljilimjuon enjeĵ, im ippaer jiljilimjuon men in kaeñtaan ko āliktata, bwe ilo er kajemĵok illu an Anij.
- [2] Im I ar lo āinwōt lometo in glass käreike kōn kijeek; im ro raar bōk anjo ioon kidu eo im ioon men in e an, im ioon oran etan, im rej jutak ioon lometo in glass, im ippaer harp ko an Anij.

- [3] Im rej al kōn al in Moses ri korijeran Anij, im kōn al in ʔaam eo im ba, Reʔap im men in bwilōñ ko, men in kōmman ko Am, O Irooj, Anij ekajoor otem kajoor. Rewānōk im remool ial ko Am, Kweo kiñ in aelōñ ko.
- [4] Wōn e jāmin mijak, O Irooj, im kaiboojoj etaṃ, bwe Kwe wōt kwō kwōjarjar: bwe ri aelōñ otemjej re naaj itok im kabuñ imaan mejōṃ, bwe emōj kaalikkar kōmman ko Am rewānōk.
- [5] Im ālikin men kein I ar lo, im ar kapelʔok tempel in imōn kōnnaan ilo lañ:
- [6] Im raar diwōjtok jān tempel eo jiljilimjuon enjeʔ ro im ippaer jiljilimjuon men in kaeñtaan ko, im naballir kōn linen erreō im rabōlbōl, im kañūrñūr er ioon tiir kōn kañūr kooʔ.
- [7] Im juon iaan men in mour ko emān e ar leʔok ñan enjeʔ ro jiljilimjuon jiljilimjuon jāpe kooʔ, relōñ kōn illu an Anij ej mour indeeo im indeeo.
- [8] Im tempel eo e ar obrak kōn baat jān aiboojoj an Anij, im jān An kajoor; im ejjeʔok en ej maroñ in deʔoñ na ilowan tempel moṃta jān naaj kajemʔok men in kaeñtaan ko jiljilimjuon an enjeʔ ro jiljilimjuon.

JEPTA 16

- [Re 16.1] Im I ar roñ ainikien eʔap jān tempel eo, im ej ba ñan enjeʔ ro jiljilimjuon, Komwin ilok im lutōk jāpe kan jiljilimjuon in illu an Anij ioon laʔ.
- [2] Im eo moṃta e ar ilok im lutōk an jāpe ioon laʔ: im kinej enana im men in kametak, e ar waʔok ioon armej ro, kakōʔʔen kidu eo ej ioer, im rej kabuñ ñan men in e an.
- [3] Im kein ka ruo e ar lutōk an jāpe ioon loṃeto, im e ar erom bōtōktōk, āinwōt jān ubōn armej emej, im men in mour ko otemjej ilo loṃeto raar mej.
- [4] Im kein ka jilu e ar lutōk an jāpe ioon reba ko, im ioon un ko unin dān, im raar erom bōtōktōk.
- [5] Im I ar roñ enjeʔ in dān ko, im ej ba, Kwō wānōk, Kwe kwōj kiiō im Kwōj moṃta, Kweo e kwōjarjar, bwe kwaar ekajet āindein:
- [6] Bwe raar katōʔʔok bōtōktōk in ro remman im ro ri kanaan, im Kwaar leʔok ñan er bōtōktōk bwe ren ilimi: ewor rueir kake.
- [7] Im I ar roñ lokatok eo ej ba, Aet, O Irooj Anij ekajoor otem kajoor, remool im re wānōk ekajet ko Am.
- [8] Im kein ka emān e ar lutōk an jāpe ioon aʔ: im ar leʔok ñan e bwe en kabwil armej ilo kijeek.
- [9] Im ar kabwil armej ro kōn bwil eʔap, im raar blaspim etan Anij eo ippān maroñ ioon men in kaeñtaan kein; im raar jab ukeʔok ippaer bwe ren leʔok aiboojoj ñan E.
- [10] Im kein ka ʔalem e ar lutōk an jāpe ioon tūroon in kidu eo; im aelōñ eo an e ar marok, im raar me loer kōn aer metak,
- [11] Im raar blaspim Anij in lañ kōn eñtaan ko aer, im kōn aer kinej, im raar jab ukeʔok ippaer jān kōmman ko aer.

- [12] Im kein ka jiljino e ar lutōk an jāpe ioon reba eļap, etan Eupretis; im dān eo an e ar roj, bwe en pojak ial in kiñ ro rej itok jān tak aļ.
- [13] Im I ar lo jān lōñin drakon eo im jān lōñin kidu eo, im jān lōñin ri kanaan riab, jilu jetōb rettoon āinwōt frog:
- [14] Bwe rej jetōb an timoņ ro rej kōmman men in bwilōñ ko, im rej ilok ñan ippān kiñ ro an aolepen laļ, bwe ren kokweiloklōk er ñan tariņae in raan eļap, raan in Anij ekajoor otem kajoor.
- [15] (Lo Ij iwōj āinwōt ri koot. Eṃōñōñō eo ej ekil im dāpij nuknuk ko an, bwe en jab etetal im keelwaan, im rej lo an jook.)
- [16] Im raar kokweiloklōk er ñan jikin eo ņaetan ilo Hibru, Armagedon.
- [17] Im kein ka jiljilimjuon e ar lutōk an jāpe ioon mejatoto, im ainikien eļap e ar waļoktok jān tempel, im jān tūroon eo, im ej ba, Eṃōj:
- [18] Im ewor jarom, im ainikien, im jourur im eļap an laļ ṃakūtūt, bwe jān ke armej raar pād ioon laļ ejjeļok an laļ ṃakūtūt eļap āinwōt im rer deiņ.
- [19] Im jikin kwelok eo eļap e ar jepel ilo jilu ṃōttan, im jikin kwelok ko an aelōñ ko raar buñ: im ar keememej Babulōn eļap iṃaan mejan Anij, bwe en leļok ñan e kab in wain in illu e bwil eo An.
- [20] Im aelōñ otemjej raar ko, im ar jab lo toļ ko.
- [21] Im wōt e pen, eļap āinwōt talent, e ar wōtlōk jān lañ ioon armej raņ: im armej raar blaspim Anij kōn men in kaeñtaan an wōt e pen, bwe men in kaeñtaan eo an e kanooj ļap.

JEPTA 17

- [Re 17.1] Im juon iaan enjeļ ro jiljilimjuon, ippaer jiljilimjuon jāpe ko, e ar itok im kōnono ippa, im ba, Kwōn itok ije im I naaj kwaļok ñan eok ekajet kōrā ekijoñ eļap eo ej jijet ioon elōñ dān ko:
- [2] Eo kiñ ro an laļ raar ļōñ ippān, im ro rej jokwe ioon laļ raar kadek kōn wain in ļōñ eo an.
- [3] Im e ar bōk ļok eō ilo Jetōb ñan āne jemaden: im I ar lo juon kōrā ej jijet ioon kidu ejurjur eobrak kōn āt ko āt in blaspim, im ippān jiljilimjuon bōran im joñoul doon.
- [4] Im kōrā eo ej kōņak nuknuk ko eoij im ejurjur, im e lōtlōt kōn kooļ, im dekā aorōk, im bōdr ko, im ilo pein kab kooļ elōñ kōn men in jōjōik ko, im men ko rettoon in ļōñ eo an,
- [5] Im ioon deṃan eṃōj jeje etan, MEN EO ETTINO, BABULŌN EĻAP, JINEN KŌRĀ REKIJOŃ IM MEN IN JŌJŌIK KO AN LAĻ.
- [6] Im I ar lo kōrā eo e kadek kōn bōtōktōkin ro reṃman, im kōn bōtōktōkin ro ri kōnnaan an Jijej. Im ke I ar lo e I ar kanooj bwilōñ kake.
- [7] Im enjeļ eo e ar ba ñan eō, Etke kwaar bwilōñ? I naaj kōnnaanōk eok men eo ettino an kōrā eo, im kidu eo ej jijet ioon, ippān jiljilimjuon bōran ko im joñoul doon ko.

- [8] Kidu eo kwaar loe e ar pād, im ej jab kiiō, im e nañin wanlōñtok jān abys eo, im ej ilōk ñan kōkkure e. Im ro rej jokwe ioon laļ re naaj bwilōñ, ro ar jab jeje etaer ilo bok in mour jān jinoin kōmanman laļ, ñe rej lo kidu eo bwe e ar pād, im ej jab kiiō, im e naaj itok.
- [9] Ijin ļolātāt eo mālōtlōt ippān. Jiljilimjuon bōran ko rej jiljilimjuon toļ kōrā eo ej jijet ioer.
- [10] Im rej jiljilimjuon kiñ. Țalem raar buñ, juon ej pād, eo juon e jañin itok, im ñe ej itok e naaj pād jidik iien.
- [11] Im kidu eo, e ar pād, im ej jab kiiō, e in kein ka ruwalitōk, im ej jān jiljilimjuon ko, im ej ilōk ñan kōkkure e.
- [12] Im joñoul doon ko kwaar loi, rej joñoul kiñ re jañin bōk aer aelōñ, a rej bōk maroñ ainwōt kiñ ippān kidu eo, iumwin juon awa.
- [13] Rein juon wōt pepe ippaer, im rej leļok aer maroñ im kajoor ñan kidu eo.
- [14] Rein re naaj tariñaeik Țaam eo, im Țaam e naaj bōk anjo ioer, bwe Ej Irooj in Irooj ro, im Kiñ an kiñ ro, im ro ippān re naaj barainwōt bōk anjo, ro ri kūr, ro ar kālōt er, im retiljek.
- [15] Im ej ba ñan eō, Dān ko kwaar loi ijo kōrā ekijoñ ej jijet ie, rej riloabjen ko, im jar ko reļap, im aelōñ ko, im kōnono ko.
- [16] Im doon ko joñoul kwaar loi, im kidu eo, re naaj kōjdate kōrā ekijoñ eo, im re naaj kōmman bwe en make iaan im keelwaan, im re naaj kañ kanniōkin, im naaj kanooj tile ilo kijeek.
- [17] Bwe Anij e ar likūt ilo būrueir bwe ren kōmanman ankilaan, im bwe en juon pepe ippaer, im bwe ren leļok aer aelōñ ñan kidu eo mae iien naaj jejjet naan ko an Anij.
- [18] Im kōrā eo kwaar loe ej jikin kwelok eļap eo, ej kiñ ioon kiñ ro an laļ.

JEPTA 18

- [Re 18.1] Ālikin men kein, I ar lo bar juon enjeļ ej wanlaļtak jān lañ, im maroñ eļap ippān, im laļ e ar meramļok kōn an aiboojoj.
- [2] Im e ar lamōj ilo ainikien ekajoor, Ebuñ, ebuñ, Babulōn eļap, im ej imōn timoņ ro, im jikin jabdewōt bao ettoon im kakūtōtō.
- [3] Bwe ri aelōñ otemjej raar buñ kōn aer idaak jān wain in illu an ļōñ eo an, im kiñ ro an laļ raar ļōñ ippān, im ro rū wia in laļ raar mweieļok kōn an daepe eļap im enana.
- [4] Im I ar roñ bar juon ainikien jān lañ ej ba, Koṃwin diwōjtok jān e, armej ro Aō, bwe koṃwin jab bōk mōttan jerowiwī ko an, im bwe koṃwin jab bōk jān men in kaeñtaan ko an:
- [5] Bwe jerowiwī ko an raar tōpartok lañ, im Anij e ar keememej nana ko an.
- [6] Koṃwin kōrrā ñan e ainwōt e ar kōrrā, im karuoļok ñan e ruo alen ekkar ñan jermal ko an. Ilo kab eo e ar käreike, koṃwin käreike ñan e ruo alen.

- [7] Āinwōt e ar kaiboojoj e make im tūb|otak e make, āindein komwin le|ok ñan e eñtaan im būromōj, bwe ej ba ilo būruen, Ij jijet Lerooj im jab lio ejako pāleen, im I jāmin lo men in būromōj.
- [8] Kōn men in, ilo juon raan, men ko men in kaeñtaan e, mej, būromōj, im ñūta re naaj itok, im naaj kanooj tile kōn kijeeek. Bwe ekajoor Irooj Anij eo E ar ekajete.
- [9] Im kiñ ro an la|, raar |ōñ im tūb|otak er make ippān, re naaj jañ im liaaj|o| kake, ne rej lo baat in ururin,
- [10] Im re jutak eto|ok jān e kōn aer lō|ñōñ kōn men in kaeñtaan e, im ba, Wo, wo, jikin kwelok eo e|ap, Babulōn, jikin kwelok eo ekajoor, bwe ilo juon awa ekajet eok e ar itok.
- [11] Im ro rū wia in la| rej jañ im liaaj|o| kake, bwe ejje|ok armej ej bar wiaik m̄weiuk ko aer;
- [12] M̄weiuk kool, im silver, im dekā aorōk, im bōōr ko, im linen kwōraidik, im nuknuk eoi, im silk, im ejurjur, im wōjke taiin otemjej, im jāpe otemjej in aivori, im jāpe otemjej in wōjke e kanooj aorōk, im jinibōōr, im māl, im ajaj,
- [13] Im sinnemon im spais, im kaijurjur, im men in kapit im frankinsens, im wain, im oil, im pilawā kwidik, im wit, im kidu ko rawie, im jūip ko, im m̄weiuk ooj ko, im jariōt ko, im ro ri kamakoko, im an armej rañ.
- [14] Im leen ko, am̄ ej mōmkaki, remoot|ok jān kwe, im men ko am̄ otemjej rematok im re wūlio, re jako jān kwe, im armej re jāmin bar loi.
- [15] Ro rū wia kōn men kein, raar m̄weie|ok jān e, re naaj jutak etto|ok, bwe rej lō|ñōñ kōn men in kaeñtaan e, im naaj jañ im liaaj|o|:
- [16] Im ba, Wo, wo, jikin kwelok eo e|ap, e ar kōñak nuknuk ko linen kwōraidik im eoi, im ejurjur, im lōtlōt kōn inok kool, im dekā aorōk, im bōōr! bwe ilo juon awa em̄oj kōkkure aolepen m̄weiuk ko re|ap.
- [17] Im kapen otemjej kapen wa, im armej otemjej rej jerak ijo ko jabdewōt, im ro ri jermal ion wa ko, im ro otemjej rej bōk aer mour ion lōmeto, raar jutak etto|ok jān e,
- [18] Im lamōj ke raar lo baat in ururin, im rej ba, Jikin kwelok ot ej āinwōt jikin kwelok eo e|ap?
- [19] Im raar jo|ok bwidej ion bōraer, im lamōj im jañ im liaaj|o| im ba, Wo, wo, jikin kwelok eo e|ap, ilo eo, ro otemjej ewor wa ko ipaer ion lōmeto, raar m̄weie|ok kōn m̄weiuk re aorōk m̄weien! Bwe ilo juon awa em̄oj kejeepe|ok e.
- [20] Komwin lañlōñ ion, kwe lañ im kom ro reṃman, im kom ro ri kanaan; bwe Anij e ar ekajete kōn ami ekajet.
- [21] Im juon enje| ekajoor e ar kotake dekā e|ap āinwōt dekā in irir, im jo|ok e ña ilo lōmeto, im ba, Āindein kōn buñ e|ap, Babulōn, jikin kwelok eo e|ap e naaj jeepe|ok, im re jāmin bar lo e.
- [22] Im re jāmin bar roñ ilo kwe ainikien ro ri harp, ak ro rej al, ak ro rej kajañjañ flut, ak ro ri jilel; im re naaj bar lo ilo kwe ejje|ok ri mejādik ilo jabdewōt jermal; im re jāmin bar roñ ilo kwe ainikien dekā in irir;

- [23] Im meram in ļaam e jāmin bar romaak ilo kwe, im re jāmin bar roñ ilo kwe ainikien ro rej pālele; bwe ro rū wia am re kein irooj in laļ; bwe kōn am madmōd emōj moņ ri aelōñ ko otemjej.
- [24] Im ilo e ar lo bōtōktōkin ro ri kanaan, im ro remman, im ro otemjej kar man er ioon laļ.

JEPTA 19

- [Re 19.1] Ālikin men kein I ar roñ āinwōt ainikien eļap an jar eļap ilo lañ, rej ba, Alleluya; Lomṡor, im aiboojoj, im kajoor rej an amwōj Anij;
- [2] Bwe remool im rewānōk ekajet ko An, bwe E ar ekajet kōrā ekijoñ eo eļap, eo e ar kakōt laļ kōn an ļōñ, im E ar kajjitōk bōtōktōkin ro ri korijeran jān pein kōn iden-ṡe.
- [3] Im rej bar ba, Alleluya. Im baat in an ej wanlōñļok indeeo im indeeo.
- [4] Im elder ro roñoul im emān, im men in mour ko emān raar buñ im kabuñ ñan Anij eo Ej jijet ioon tūroon eo, im ba, Amen; Alleluya.
- [5] Im ainikien ej waļok jān tūroon eo, im ba, Komwin wūjtake adwōj Anij, kom ro ri korijeran, im ro rej mijak E, ro redik, im ro reļap.
- [6] Im I ar roñ āinwōt ainikien jar eļap, im āinwōt ainikien elōñ dān ko, im āinwōt ainikien jourur ko rekajoor, im rej ba, Alleluya: bwe Irooj amwōj Anij, Ri ekajoor otem kajoor Ej kiñ.
- [7] Jen lañlōñ im kanooj mōṡmōṡ, im leļok aiboojoj ñan E, bwe pālele in ļaam e ar itok, im lio pāleen e ar make kapoj e.
- [8] Im ar leļok ñan e bwe en kōṡak nuknuk ko linen kwōraidik rabōlbōl im erre, bwe linen kwōraidik ej kwōjarjar ko an ro remman.
- [9] Im e ar ba ñan eō, Kwōn jeje, Emōṡmōṡ ro jiroñ er kōn kwōjkwōj in pālele an ļaam. Im ej ba ñan eō, Naan kein naan ko remool an Anij.
- [10] Im I ar buñ imaan neen bwe in kabuñ ñan e. Im ej ba ñan eō, Jab. Ņa ij ri korijer ippam im ippān ro jioṡ im jatiōṡ, ro kōnnaan kōn Jijej ippaer. Kwōn kabuñ ñan Anij: bwe kōnnaan kōn Jijej ej jetōb in rūkaanij.
- [11] Im I ar lo lañ epeļļok, im lo, ṡoj emouj, im Eo ej jijet ioon, ṡetan Etiljek im Emool, im ilo wānōk Ej ekajet im tariṡae.
- [12] Im mejan rej urur in kijeek, im ioon bōran elōñ kūrāwūn, im ippān etan emōj jeje, eo ejjeļok en e jeļā, a E wōt.
- [13] Im naballin kōn nuknuk ko ar katutu e ilo bōtōktōk, im ṡetan Naan in Anij.
- [14] Im jaran tariṡae rej ilo lañ raar ļoor E ioon ṡoj ko remouj, naballir kōn nuknuk linen kwōaidik, emouj im erre.
- [15] Im jān ļoñin ej ilok jāje ekkañ, bwe En man ri aelōñ kake, im E naaj Irooj ioer kōn māāl wāween aļal, im Ej juuri kein joniak wain in illu ebwil, eo an Anij ekajoor otem kajoor.
- [16] Im ippān ioon nuknuk ko An, im ioon kejan neen emōj jeje āt, KIÑ IN KIÑ RO, IM IROOJ IN IROOJ RO.

- [17] Im I ar lo juon enje] ej jutak ilo a], im ej lamōj ilo ainikien e]ap ñan bao otemjej rej kãke i mejatoto, Komwin itok im kweilōktok ñan kejota e]ap an Anij:
- [18] Bwe komwin mōñã kanniōk in kiñ ro, im kanniōk in kapen ro, im kanniōk in armej rekajoor, im kanniōk in o]oj ko im ro rej jijet ioyer, im kanniōk in armej otemjelōk, ro ri anemkwōjaer im ro ri kamakoko, ro redik im ro re]ap.
- [19] Im I ar lo kidu eo, im kiñ ro an la], im jar in tari]ae ko aer, emōj kokweilōktok er bwe ren tari]aeik Eo ej jijet ioon o]oj eo, im jar in tari]ae eo An.
- [20] Im ar jibwe kidu eo, im ippãn ri kanaan riab eo e ar kōmman men in bwilōñ ko imaan mejan im kōn er e ar mo]ni ro re kar bōk kakō]len kidu eo, im ro raar kabuñ ñan men in e an, im ar jo]ok erro remour ña ilo loma]o in kijeek ej urur kōn brimston:
- [21] Im ar mo]n rojet kōn jãje an Eo ej jijet ioon o]oj eo, eo ej ilōk jãn lo]nin: im bao otemjej raar mat kōn kanniōkier.

JEPTA 20

- [Re 20.1] Im I ar lo juon enje] ej wanla]tak jãn lañ, im ippãn ki in abys eo, im ilo pein tomede e]ap.
- [2] Im e ar jibwe drakon eo, jedpãnit erūtto, eo ej tepi] im Setan, im liãpe iumwin juon to]ujin iiō,
- [3] Im ar jo]ok e ña ilo abys eo, im kiili, im sil ioon, bwe en jab bar mo]n ri aelōñ ko ñan tōr eo naaj je]jet juon to]ujin iiō ko. ãlikin iiō ko emman kōt]ok e jidik iien.
- [4] Im I ar lo tūroon ko, im rej jijet ioyer, im ar le]ok ekajet ñan er: im I ar lo jetōb an ro emōj jebbare er kōn aer kōnnaan kōn Jijej, im kōn naan in Anij, im ro jabdewōt raar jab kabuñ ñan kidu eo ak men in e an, im raar jab bōk kakō]len ioon demaer, ak ioon pein anbwijmaroñir; im raar mour im kiñ ippãn Kūraij iumwin juon to]ujin iiō.
- [5] Ro jet iaan ro re mej raar jab mour mokta jãn kajem]ok juon to]ujin iiō ko. Eñin jerkakpeje eo mokta.
- [6] Emō]o]o] im ekwōjarjar eo ej bōk mōttan jerkakpeje in mokta. Mej kein ka ruo e jãmin maroñ ioyer; a re naaj pris an Anij im an Kūraij, im re naaj kiñ ippãn iumwin juon to]ujin iiō.
- [7] Im ne kajem]ok juon to]ujin iiō, naaj kōt]ok Setan jãn prisōn eo an,
- [8] Im e naaj diwōjtok bwe en mo]ni ri aelōñ ko rej pãd ilo emãn jabōn la], Gog im Megog, bwe en kokweilōklōk er ñan tari]ae eo; im oraer ãinwōt bok in lometo.
- [9] Im raar wanlōñ]ok ioon dilpen la] im kōpool] jar an ro remman, im jikin kwelōk e jītōnbōro: im kijeek e ar wanla]tak jãn lañ im kañ er.
- [10] Im tepi] eo e ar mo]ni er ar jo]ok e ña ilo loma]o in kijeek im brimston, ijo barãinwōt kidu eo, im ri kanaan riab rej pãd ie; im naaj kaeñtaan er raan im boñ indeeo im indeeo.
- [11] Im I ar lo tūroon e]ap im mouj im Eo ej jijet ioon, jãn turin mejan raar ko la] im lañ, im jab bar lo jikiir.

- [12] Im I ar lo ro re mej, ro reĵap im ro redik rej jutak imaan tūroon eo; im ar kapelĵok bok ko: im ar kapelĵok bar juon bok, eo ej bok in mour: im ar ekajet ro re mej jān men ko emōj jeje ilo bok ko, ekkar ñan jerbak ko aer.
- [13] Im loĵeto e ar leĵok ro re mej ro ilo e, im Mej im Hedis raar leĵok ro re mej ro ilo er, im ar ekajet er, kajju iaer, ekkar ñan jerbak ko aer.
- [14] Im ar joĵok Mej im Hedis ña ilo loĵalo in kijeek. Eñin mej kein ka ruo, loĵalo in kijeek.
- [15] Im eĵañne ar lo jabdewōt im kar jab jeje etan ilo bok in mour, ar joĵok e ña ilo loĵalo in kijeek.

JEPTA 21

- [Re 21.1] Im I ar lo lañ ekāal im laĵ ekāal; bwe lañ eo moĵta im laĵ eo moĵta re jako; im loĵeto eĵjeĵok.
- [2] Im I ar lo jikin kwelok eo ekwōjarjar, Jerusalem ekāal, ej wanlaĵtak jān lañ jān ippān Anij, emōj poĵak ainwōt kōrā ej lōtlōt ñan ĵeo an.
- [3] Im I ar roñ ainikien eĵap jān tūroon eo, im ej ba, Lo, imōn Anij ej ippān armej rañ, im E naaj jokwe ippaer, im re naaj riloabjen, im Anij e naaj pād ippaer, im naaj aer Anij:
- [4] Im E naaj kōmōrāik jān mejeir dānnin kōmjaalaĵ otemjej, im e naaj eĵjeĵok bar mej, im re jāmin bar liaajloĵ, ak jañ, ak eñtaan; bwe men ko moĵta re jako.
- [5] Im Eo ej jijet ioon tūroon eo Ej ba, Lo, Ij kōmman men otemjej bwe ren ekāal. Im Ej ba, Kwōn jeje: bwe naan kein retiljek im reĵool.
- [6] Im E ar ba ñan eō, Rejejjet. Ña Ij Alpa im Omega, Jinoim im Jemĵokōn. I naaj leĵok ñan eo ej maro jān unin dān in mour eĵeĵ oñān.
- [7] Eo ej bōk anjo e naaj jolōt men kein, im I naaj an Anij, im e naaj nejiō.
- [8] A ñan ro ri pikōt, im ro ri jab tōmak, im ro jōjōik er, im ro ri uror, im ro ri ĵōñ, im ro ri mađmōd, im ro ri kabuñ ñan ekjab, im ro ri riab otemjej, aer ājinkōj e naaj ilo loĵalo eo ej urur kōn kijeek im brimston; eñin mej kein ka ruo.
- [9] Im juon iaan enjeĵ ro jiljilimjuon kar ippaer jiljilimjuon jāpe relōñ kōn men in kaeñtaan ko jiljilimjuon reliktata, e ar itok ñan eō im kōnono ippa, im ba, Kwōn itok ije, im I naaj bakajjen ñan eok kōrā lio pāleen Ĵaam eo.
- [10] Im e ar bōk ĵok eō ilo Jetōb ñan toĵ eĵap im eutieĵ, im bakajjen ñan eō jikin kwelok eo ekwōjarjar, Jerusalem, ej wanlaĵtak jān lañ, jān ippān Anij,
- [11] Im ippān aibooĵoj an Anij: meram eo an ej ainwōt dekā e kanooĵ aorōk, ainwōt dekā jasper alikkar ainwōt kristal.
- [12] Im wōrwōr eo an ej eĵap im eutieĵ, im ippān joñoul im ruo aor, im joñoul im ruo enjeĵ iturin aor ko, im jeje āt ko ioer, etan bwij ko joñoul im ruo, bwijin ro nejin Israel:
- [13] Jān tak aĵ jilu aor; jān eañ jilu aor; jān rōk jilu aor: jān tulok aĵ jilu aor.
- [14] Im joñoul im ruo dekā, foundeōn wōrwōr in jikin kwelok eo im ioer joñoul im ruo āt, etan joñoul im ruo ri jelōk an Ĵaam eo.

- [15] Im ippān eo ej kōnono ippa koba koo], kein joñe, bwe en joñe jikin kweløk eo, im aor ko an, im wōrwōr eo an.
- [16] Im jikin kweløk eo ej rilpen wōt juon. Im e ar joñe jikin kweløk kōn koba eo, im ej joñoul im ruo tujin fōrloñ. Aitokōn, rilpen, im utiejen rej āinwōt juon.
- [17] Im e ar joñe wōrwōr eo an, im ej jibukwi eñoul im emān mokwōj, ekkar ñan joñan armej, eñin joñan enjel.
- [18] Im kōmman wōrwōr eo an jān jasper. Im jikin kweløk eo ej koo] erre eo āinwōt glass erre.
- [19] Im foundesōn wōrwōr in jikin kweløk rej lōtlōt kōn dekā otemjej re aorøk. Foundeson mokta ej jasper; kein ka ruo saffair; kein ka jilu kalsidoni, kein ka emān emerald;
- [20] Kein ka ļalem sardonix; kein ka jiljino sardios; kein ka jiljilimjuon krisolait; kein ka ruwalitøk beril; kein ka ruwatimjuon topaz; kein ka joñoul krisopresos; kein ka joñoul im juon jesint; kein ka joñoul im ruo ametist.
- [21] Im aor ko joñoul im ruo rej joñoul im ruo bōōr. Kajju iaan aor ko ej jān juon bōōr. Im ial in jikin kweløk eo ej koo] erre, āinwōt glass e alikkar.
- [22] Im I ar lo ejjeløk tempel ilowan; bwe Irooj Anij ekajoor otem kajoor, im ļaaṃ rej tempel eo an.
- [23] Im jikin kweløk eo e jab aikuj a] ak allōñ bwe ren romaak ioon: bwe aiboojoj an Anij ej kamram]øk e, im ļaaṃ eo an, ļaaṃ.
- [24] Im ro ri aelōñ ko re naaj etetal ilo meram eo an, im kiñ ro an la] re naaj bōktok aer aiboojoj ñan lowaan.
- [25] Im re jāmin kiili aor ko an ilo raan (bwe e naaj jeløk boñ ijo):
- [26] Im re naaj bōktok aiboojoj im nōbar an aelōñ ko ña ilowan,
- [27] Im e jāmin de]oñ ilo e men ko rettoon, ak eo ej kōmman men in jōjōik, ak riab; a ro wōt emōj jeje er ilo bok im mour an ļaaṃ.

JEPTA 22

- [Re 22.1] Im e ar bakajjien ñan eō reba in dān in mour, ejatōltōl āinwōt kristal, ej tōor]øk jān tūroon an Anij im ļaaṃ eo]ōpin ial eo an.
- [2] Im i tōrerein reba eo wōjke in mour rej kajob e, im ej jebar leen joñoul im ruo wāween im ej kalle allōñ otemjej: im bwilikōn wōjke eo kein kemour ro ri aelōñ ko.
- [3] Im e naaj jeløk bar koo]: im tūroon an Anij im ļaaṃ e naaj ilo e, im ro ri korijeran re naaj korijer ñan E.
- [4] Im re naaj lo turin mejan, im etan e naaj ioon demaer.
- [5] Im e jāmin bar boñ, im re jāmin aikuj meram in ļaaṃ ak meram in a], bwe Irooj Anij e naaj rome er: im re naaj kiñ indeeo im indeeo.
- [6] Im ej ba ñan eō, Naan kein re tiljek im re mool: im Irooj Anij an jetōb ro an ro ri kanaan E ar jilkintok enjel eo An bwe en kwa]øk ñan ro ri karijeran men ko re naaj wa]øktok mōkaj.
- [7] Im lo, Ij iwōj mōkaj. E mōñōñō eo ej kōjparok naan ko an kūr in bok in.

- [8] Im ña Jon I ar roñ im lo men kein. Im ke I ar roñjaki im loi, I ar buñ bwe in kabuñ imaan neen enjeļ eo e ar kwaļok ñan eõ men kein.
- [9] Im e ar ba ñan eõ, Jab. Bwe ña ij ri korijer ippam im ippān ro jiom im jatiõm ro ri kanaan, im ippān ro rej kōjparok naan ko an bok in. Kwōn kabuñ ñan Anij.
- [10] Im ej ba ñan eõ, Kwōn jab sil naan ko an kūr in bok in, bwe epaak iien eo.
- [11] Eo e jab wānōk, en bar kōmman jab wānōk: im eo ej ettoon en pād wōt im ettoon: im eo ej wānōk en bar komwin wānōk: im eo ekwōjarjar en pād wōt im kwōjarjar.
- [12] Lo, Ij iwōj mōkaj; im aõ jinōkjeej ippa, bwe in leļok ñan armej, kajju iaer, ekkar ñan jermal ko an.
- [13] Ña ij Alpa im Omega, Eo mokta, im Eo āliktata, Jinoim im Jemļokōn.
- [14] Emōñõñõ ro rej kwaļkoļ nuknuk ko aer, bwe en ippaer maroñ in itok ñan wōjke in mour, im bwe ren deļõñ ilo kōjām ko ilowan jikin kwelok eo.
- [15] Ilikin rej kidu rorrer ko, im ro ri madmōd, im ro ri ļõñ, im ro ri uror, im ro rej kabuñ ñan ekjab, im ro otemjej rej yokwe im kōmman riab.
- [16] Ña Jijej I ar jilkinļok aõ enjeļ bwe en kōnnaan wōj men kein ñan eklejia ko. Ña Ij okran im nejin Devid, iju raan e rabōlbōl.
- [17] Im Jetōb kab lio rej ba, Kwōn itok. Im eo ej roñjake, en ba, Kwōn itok. Im eo ej maro, en itok: eo e kōnaan, en bōk dān in mour ejej oñān.
- [18] Ij kōnnaan ñan armej otemjej rej roñjake naan ko an kūr in bok in, Eļañne jabdewōt armej e naaj kobaik ñan er, Anij e naaj kobaik ñan e men in kaeñtaan ko emōj jeji ilo bok in:
- [19] Im eļañne jabdewōt armej e naaj ikūr jān toñ naan ko an kūr in bok in, Anij e naaj ikūrļok ājinkōj eo an jān wōjke in mour, im jān jikinkwelok e kwōjarjar, men ko emōj jeji ilo bok in.
- [20] Eo ej kōnnaan men kein, Ej ba, Aet: Ij iwōj mōkaj. Amen: Kwōn itok, Irooj Jijej.
- [21] Jouj an Irooj Jijej en ippān ro remman. Amen.